

古典小說 佳作 林庭宇

個人簡介：中興大學中國文學系碩士班一年級

臺中人，雙魚座。喜歡古典文學的節奏與美好。

庚子拾光集

芙蓉菊即事

千年艾景入吾家，十里蒼茫名邇遐。白綠淡敷超暮雪，藤黃濃染映朝霞。
舊人豈有怨飛燕，新葉惟需斬托榼。長信此居何本命？又非天造赤團華。

菡萏池

庭前空影伴鳴蟬，獨坐小池聽細漣。漸感朝暉明葉色，忽凝夕露淨荷沿。
猶哀花發惟三日，不意根生已十年。周子多親王冕繪，而今可有擇吾鐫？

仲夏小園除草有感

詩文列陣似交兵，待耨紛紛哭蕊城；冷眼收魂觀仲景，空苞委地化玄英。
敢譏纖草堪藏魄，未見柔花更負名；遠志再需琴摔破，和南把示子昂情。

畢業感事

破岩咬定竹心堅，金蝶深叢迤邐翩。只欠東風謀有譽，何需西子疾生憐？
不辭來歲追今歲，但願桑田換福田。煙雨同舟如箭渡，雲晴此去馬平川。

中秋感事

夜催兔魄沐魚池，誰駐洋樓忘鳥羈？彈指笑談如故友，無涯輻輳嗅春枝。
想來默默非初識，望去悽悽亦不知。桂樹又飄香二載，柔腸盡付羨鴛詩。

立冬寄友

梅落雀爭知事玄，太虛幻夢滅塵篇。列松當襯白郎艷，喬木還須紅拂賢。
泛梗馨香銜雨幕，校書溪水浣花箋。前緣欲話磊童卻，雷動乾元復問天。

觀尼泊爾雪崩憶故人

螢屏盡覽怒雲蹤，網胃竟掀翻吉凶。洶湧波濤驚睡谷，蒼茫薏苡現騰龍。
弱肢散血凋殘影，寒洞旋鴉響悼鐘。片羽徒存身固逝，或言懸解詎愁容？

期年記楊牧

巨擘歸巢墨客悲，由來末代不勝衰。四遊太白仿羅卡，一念少陵存葉慈。
遣興終通文劇筆，研精始作典名蕤。奇萊險浪珍珠孕，山海相逢今永彌。

感懷

夕霧起盤桓，枯榮能幾安。洛陽爭紙貴，蜀道嘆行難。
滿目拂花草，孤心寫暑寒。白駒天地客，窗內畫圖看。

詠李子柒

蜀地女兒生此鄉，悠然村野勝陶郎。一刀自給三餐飽，雙足能行萬里長。
斷骨雞魚成木俎，采薇菇果滿籐筐。偶來怒馬乘輕霧，縱去朱衣似大唐。
櫻蕊桃英開峻嶺，芙蓉蓮藕立河塘。幾經熬碾為花蜜，時有推移化酒漿。
茜絳玫瑰灰瓦路，玄青琥珀黛眉妝。費工柳土螺螄辣，勤練蘭州牛麵香。
根裡雞縱鮮白肉，醉中火焰烈紅湯。六分綻瓣烹酥點，七夕朝天對月光。
木筆搖姿修竹椅，葡萄浸紡吊椽床。洗淘筆墨羔毛理，鏤刻端溪紙硯祥。
再現畢昇排字術，更從嫫祖養蠶桑。弓弦彈打響寧夜，絲線交回織布裳。
晴詫枝頭初雪透，指甘溝澗冽泉涼。封罈滿水菜醃漬，起甕迎風柿結霜。
爐下俚人低稚犬，堤邊嚼草近山羊。幽幽亦住凡間事，惴惴方開牧曲章。
荒植人參攢活計，溟晶銀漢墜星芒。曾聞身苦椿萱棄，還受皮癢養母傷。
葉葉溫茶舒味潤，婆婆斑鬢幸安康。窮途豹變惹非議，雜嘴雀譏何有妨？
平補紛塵潘岳路，分明糙手魯班場。亂言假象真欣羨，惜取韶華莫擺忙。
慧眼會逢樵隱願，宮燈供照檻軒牆。閒來暢咬乾烘肉，正過穩沾球串糖。
年飯張羅冬末灶，晨炊煨煮日常房。此生華夏此生記，千歲逍遙千歲狂。

水仙小賦

寐灌莽以消疲，展微翅以舒伸。聞前事而化靈，繼神諭而涕洟。麗眸迴畔，釋身解塵。舞似唳鶴，裊若初晨。覩夜星而閉月，掬流水而沉魚。拂楊柳而依羽，悅河州而友睢。於是冀不朽而登奇絕，闡揚葩而設爛斑。進清言於紫闕，止雄步於藍關。長影撲櫺，風燈閃跡。騁纖離於大道，爭玉壺於朝夕。欲挽紅花簪鬢，只得青鸞舞鏡。忍賈生之鼻痛，嘆趙相之鹿柄。鑿扣璇璣，駭卜晞曜。隻身寂往，朔漠呼嘯。蝕冥冥兮災疫，窮遑遑兮靡音。商川涸以旱魃，湯身禱於桑林。狙望天以鷲猛，邛壇礪而嶽岑。拒業海而灼劫灰，定識蘊而磨杵針。認迷頭之毒辛，

慕世尊之飄逸。忘歸路之遠近，暢嘉澍之洋溢。或盼昴降兮甘霖，來儀兮鳳凰。
摹仲姬之檀樂，舉金母之瑤觴。飲七澤之霑濡，饗五穀之豐穰。省慚惡以逡巡，
開綺窗而琳瑯。紆彩曦軒，養魄廣寒。盡桑榆乎榮華，享閻浮以悲歡。